

CONVENIO DE COLABORACIÓN ENTRE O EXCMO. CONCELLO DE LUGO E O CLUB PIÑA TEAM CO OBXECTO DE COLABORAR NOS GASTOS DERIVADOS DO EVENTO "CAMPEONATO DE GALICIA NEOPROFESIONAL DE BOXEO"

REUNIDOS

Dunha banda D. Jorge Bustos Atanasio, actuando en nome e representación do Concello de Lugo, con enderezo en Lugo, Praza Maior, nº 1 e CIF P2702800J, en virtude da súa condición de Concelleiro Delegado de Xuventude e Deportes (Área de Cohesión e Dinamización Social).

E doutra banda Alberto Piñeiro Louzao, con DNI 33555547L , actuando en nome e representación do Club de Boxeo Piña Team, con CIF G27503465, na súa calidade de Presidente, con enderezo a efectos deste Convenio en Rúa Mar Cantábrico nº 127 27004, Lugo.

Ambas as dúas partes interveñen en función dos seus respectivos cargos e no exercicio das súas facultades que teñen conferidas para convenir en nome e representación das institucións que representan

EXPOÑEN

PRIMEIRO.-

Que o Concello de Lugo ten entre as súas competencias impulsar o deporte e os valores que este transmite, así como a promoción do municipio de Lugo e a súa dinamización na cidade.

Conforme ao artigo 50.1 da Lei 40/2015, do réxime xurídico do sector público (LRXSP), as Administracións Públicas, os seus organismos autónomos e entidades de dereito público vinculados ou dependentes e as universidades públicas, no ámbito das súas competencias, poderán subscribir convenios con suxeitos de dereito público e privado.

Conforme ao Artigo 1º dos Estatutos do Club Piña Team, é unha Asociación privada con personalidade xurídica e capacidade de obrar, integrada por persoas físicas ou xurídicas, con personalidade xurídica propia e capacidade de obrar, con domicilio na Comunidade Autónoma de Galicia, que ten como obxecto primordial o fomento e o impulso da práctica continuada dunha ou varias modalidades deportivas, así como a participación en actividades e competicións deportivas calquera que sexa o seu nivel e destinatario.

Conforme ao Artigo 2º o Club Piña Team, practicará como principal modalidade deportiva a de BOXEO, e solicitará a ratificación dos Estatutos e a inscrición no Rexistro de Entidades Deportivas de Galicia, de conformidade coa Lei 3/2012, do 2 de abril, do deporte de Galicia.

SECCIÓN DE DEPORTES

JBA/ftc

Refª: convenio

Asunto: Convenio de colaboración Club Piña Team "Campeonato de Galicia Neoprofesional de Boxeo".

SEGUNDO.-

Que o Concello de Lugo, en exercicio das súas competencias ten vontade de promover este convenio en virtude do establecido na Lei 7/1985, de 2 de abril, de bases do réxime local, artigo 25.1: "O Municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos previstos neste artigo".

Así mesmo, o apartado 2 de este mesmo artigo establece que "O Municipio exercerá en todo caso como competencias propias, nos termos da lexislación do Estado e das Comunidades Autónomas, nas seguintes materias: (...) I) Promoción do deporte e instalacións deportivas e de ocupación do tempo libre (...)".

TERCEIRO.-

Que ambas as partes coinciden na necesidade de axuntar esforzos para a consecución dos seus respectivos obxectivos e intereses comúns e que, por conseguinte, cren conveniente, por medio deste documento, establecer a coordinación e colaboración respecto ao evento "**CAMPEONATO DE GALICIA NEOPROFESIONAL DE BOXEO**".

Por todo o exposto ambas as dúas partes acordan asinar o presente convenio de colaboración en base as seguintes:

CLÁUSULAS

PRIMEIRA.- OBXECTO

O obxecto de este convenio é a colaboración entre o Excmo. Concello de Lugo e o Club Piña Team para a celebración do evento "**CAMPEONATO DE GALICIA NEOPROFESIONAL DE BOXEO**".

A organización do devandito evento, de carácter autonómico, corresponde en exclusividade a o Club Piña Team, sendo a única entidade deportiva autorizada pola Federación Galega de Boxeo como titular dos dereitos para organizar o "**CAMPEONATO DE GALICIA NEOPROFESIONAL DE BOXEO**".

A data de realización é o 27 de abril de 2024, no Polideportivo Municipal Daniel Córdido. A importancia do evento nesta disciplina deportiva, fai que a promoción deportiva do mesmo garantice unha ampla asistencia de público en xeral.

Todo o evento deportivo está suxeito ao regulamento técnico do mesmo e supletoriamente polos regulamentos superiores.

O Concello de Lugo intégrase como colaborador do devandito evento para unha mellora na eficiencia da xestión pública e a oferta deportiva municipal, polo impulso do deporte e os valores que este transmite, perseguindo un fin común de interese xeral e baixo o interese público que ostenta unha actividade de estas características, así como a promoción do municipio de Lugo.

SEGUNDA.- ACTUACIÓNS A REALIZAR POR CADA UNHA DAS PARTES ASINANTES DO CONVENIO.

2.1.- O Club Piña Team comprométese, como organizador do **"CAMPEONATO DE GALICIA NEOPROFESIONAL DE BOXEO"** atender, en xeral, todas as necesidades para o desenvolvemento do evento nos días anteriores, durante o mesmo e relacionadas coa finalización do mesmo.

En concreto, farase cargo dos seguintes servizos e/ou suministros:

- 1.- Publicidade e Difusión.
- 2.- Servizo Médicos.
- 3.- Trofeos e medallas.

O Club de Boxeo Piña Team comprométese así mesmo en que a colaboración do Concello de Lugo constará de forma expresa, pública e permanente na organización do evento, e co logotipo do Concello de Lugo na publicidade do evento, estática, dixital e calquera outra.

2.2.- O Concello de Lugo, como colaborador do **"CAMPEONATO DE GALICIA NEOPROFESIONAL DE BOXEO"**, comprométese a:

O Concello de Lugo farase cargo do canon da Federación Galega de Boxeo por importe de 1.200,00 €, que inclúe as das taxas e dereitos de arbitraje do campionato.

TERCEIRO.- OBRIGAS E COMPROMISOS ECONÓMICOS

Non existe contraprestación económica entre as partes asinantes do convenio. As partes asinantes comprométese a financiar os gastos asumidos durante a vixencia do convenio.

CUARTA.- ORZAMENTO E FINANCIAMENTO

O orzamento estimativo do **"CAMPEONATO DE GALICIA NEOPROFESIONAL DE BOXEO"** de 4.600 €, desglosado nas seguintes partidas:

ORZAMENTO	
ACHEGAS DO CONCELLO DE LUGO	
1ª) CANÓN FEDERACIÓN GALEGA DE BOXEO ÁRBITROS E TÉCNICOS 4 árbitros 1 técnicos	600€
CANON FEDERATIVO POLA REALIZACIÓN DO CAMPEONATO GALEGO DE BOXEO NEOPROFESIONAL PESO MEDIO	600€
SUBTOTAL	1200€

SECCIÓN DE DEPORTES

JBA/ftc

Refª: convenio

Asunto: Convenio de colaboración Club Piña Team “Campionato de Galicia Neoprofesional de Boxeo”.

ACHEGAS DO CLUB PIÑA TEAM	
1º- ALUGUER – TRANSPORTE – MONTAXE E DESMONATAXE DE RING: Aluguer camión con plataforma e capacidade para o transporte do seguinte material: Ring Moqueta Sillas SUBTOTAL	900€ 400€ 500€ 1.800€
2º- PUBLICIDADE E DIFUSIÓN	500€
3º- SERVIZOS MÉDICOS: 1 ambulancia 2 médico	500€ 150€
4ª TROFEOS	450€
TOTAL ORZAMENTO 4.600 (IVE engadido)	

(*) Os servizos incluídos no canon (1.200,00 €) da Federación Galega de Boxeo comprende a inclusión da proba no correspondente calendario oficial, arbitros e xuíces necesarios para a proba e medios técnicos específicos de competición necesarios para a celebración da competición.

QUINTA.- XUSTIFICACIÓN E PAGAMENTO

Non hai contraprestación económica entre as partes asinantes do convenio.

SEXTA.- DURACIÓN

Dado que o alcance do presente convenio é en exclusiva a realización do “**CAMPEONATO DE GALICIA NEOPROFESIONAL DE BOXEO**”, o convenio extinguirase tras a clausura do evento acto, sen prexuízo dos prazos posteriores nos que se deba facer balance do evento, ou aquelas outras cuestións que pola súa natureza requiran un prazo superior.

Non obstante e de xeito excepcional aplícase eficacia retroactiva ao convenio, vista a data de celebración da proba de xeito que as actuacións xa ultimadas quedan incorporadas ao convenio.

SÉTIMA.- MODIFICACIÓN

A modificación deste convenio poderá realizarse por mutuo acordo das partes, acreditando a concorrencia de interese común, e co límite substantivo de non alterar as condicións esenciais do documento inicial, e sempre e cando dito convenio este vixente, ter en conta que o alcance do presente convenio é en exclusiva a realización do “**CAMPEONATO DE GALICIA NEOPROFESIONAL DE BOXEO**”.

A modificación do convenio levarase a cabo mediante adenda ao mesmo.

OITAVA.- EXTINCIÓN E EFECTOS

O convenio extinguirase polo cumprimento das actuacións que constitúen o obxecto ou por incorrer en causas de resolución.

Son causas de resolución as sinaladas expresamente no artigo 51.2 da LRXSP e pola entrada en vigor de disposicións legais ou regulamentarias que determinen a súa extinción.

O cumprimento e a resolución do convenio dará lugar á liquidación dos mesmos, co obxecto de determinar as obrigas e compromisos de cada unha das partes, tendo en conta o disposto no artigo 52.2 da LRXSP.

NOVENA.- COMISIÓN DE SEGUIMIENTO

Tendo en conta o establecido no artigo 49.f da LRXSP, para o bo desenvolvemento das actividades obxecto deste convenio, seguimento, vixilancia e control establecerase unha Comisión Mixta, de composición paritaria, integrada por dous representantes de cada unha das entidades que resolverá os problemas de interpretación e cumprimento que poidan xurdir respecto deste. Ostentará a Presidencia da comisión de seguimento o responsable/persoal adscrito á Área de Deportes.

Os membros da Comisión poderán delegar a súa representación e voto noutra persoa da súa mesma organización.

A Comisión de seguimento reunirse con unha periodicidade mínima que garanta o seguimento e a correcta execución deste convenio, poderá reunirse a proposta de calquera das partes, realizándose convocatoria da reunión con 24 horas de antelación.

O seu funcionamento acomodarse ao disposto na LRXSP. Serán funcións desta Comisión de Seguimento as seguintes:

- Velar polo cumprimento deste convenio.
- Planificar, fomentar, supervisar e avaliar as accións e programas que se vaian emprender ao abeiro do presente convenio, establecendo un programa de seguimento dos traballos e das actuacións.
- Adoptar ou propoñer as medidas necesarias para garantir o exercicio coordinado das competencias de cada unha das partes.
- Enviar copias das actas das reunións destas comisións, así como do resto dos documentos que se emitan no desenvolvemento e execución deste convenio e que poidan ser requiridos polos Servizos de Control Interno municipais.
- Presentar unha memoria final da actuación na que se recollan as actividades realizadas, os medios humanos e materiais empregados, o orzamento definitivo e o balance de ingresos e gastos, ademais daqueles outros aspectos que se consideren salientables en relación á execución do convenio. Os datos resultantes

SECCIÓN DE DEPORTES

JBA/ftc

Refª: convenio

Asunto: Convenio de colaboración Club Piña Team "Campionato de Galicia Neoprofesional de Boxeo".

desta memoria poderían dar lugar a unha reformulación das obrigas económicas asumidas polas partes asinantes.

- Resolver os problemas de interpretación que poidan xurdir.
- En xeral, as que o artigo 49.f da LRXSP lle atribúe aos mecanismos de seguimento, vixilancia e control.
- O Concello de Lugo designará como responsable municipal da comisión de seguimento o funcionario Fernando Timiraos Carrasco.

As partes comprométense a resolver de xeito amizoso calquera desacordo que poida xurdir no desenvolvemento do presente convenio a través da Comisión de Seguimento constituída.

DÉCIMA.- SISTEMAS DE COMUNICACIÓN, INFORMACIÓN E PUBLICIDADE

Nos soportes, calquera que sexa o formato empregado (tradicional ou dixital) que aludan ou informen do investimento, actividade ou actuación, incorporaranse os "logotipos" institucionais do Concello de Lugo.

As entidades autorízanse reciprocamente, coa sinatura do presente convenio, para o tratamento necesario dos datos relevantes da axuda concedida e a comunicar e difundir polos medios ou canles que consideren axeitados, a actividade que é obxecto de este convenio.

DÉCIMO PRIMEIRA.- CARÁCTER DO CONVENIO DE COLABORACIÓN

Este convenio ten natureza administrativa e rexerase pola Lei 7/85, de 2 de abril, reguladora das bases de réxime local, así como pola LRXSP e restantes disposicións de concordante e xeral aplicación, sendo competente para entender nos litixios que puidesen xurdir a xurisdicción contencioso-administrativa.

O presente convenio non lle é de aplicación a Lei de contratos do sector público á vista do disposto no artigo 6 da Lei 9/2017, de 8 de novembro, de contratos do sector público, pola que se traspón ao ordenamento xurídico español as directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.

DÉCIMO SEGUNDA.- PUBLICIDADE

Realizar a oportuna publicación no rexistro de convenios, de conformidade co artigo 8.1.b) da Lei 19/2013, de 9 de decembro, de transparencia, acceso á información pública e bo goberno.

O Concelleiro de Xuventude e Deportes

O representante do Club

Asdo: Don Jorge Bustos Atanasio

Asdo.: Don Alberto Piñeiro Louzao